

*MASTER
NEGATIVE
NO. 91-80416-8*

MICROFILMED 1992

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR: SCHMIDT,
FRIEDRICH J.

TITLE: QUAESTIONUM
CURTIANARUM.

PLACE: SUIDNICII

DATE: 1853

Master Negative #

91-80416-8

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

87C94

DZ6

Schmidt, Friedrich Julius,
Quaestionum Curtianarum, pars I., scripsit
Fridericus Julius Schmidt... Suidnicii, typis
Ludovici Heegii, 1853.
18 p. 27 cm.

373973

Restrictions on Use:

TECHNICAL MICROFORM DATA

FILM SIZE: 35 mm

REDUCTION RATIO: 10X

IMAGE PLACEMENT: IA (IIA) IB IIB

DATE FILMED: 8-19-92

INITIALS M.D.C.

FILMED BY: RESEARCH PUBLICATIONS, INC WOODBRIDGE, CT





AIM

Association for Information and Image Management

1100 Wayne Avenue, Suite 1100
Silver Spring, Maryland 20910



301/587-8202



Centimeter



Inches



MANUFACTURED TO AIM STANDARDS
BY APPLIED IMAGE, INC.

12823

3rd only

No. 4 87C94
II 26

QUAESTIONUM CURTIANARUM

PARS I.

SRIPSIT

FRIDERICUS JULIUS SCHMIDT,

PHILOSOPHIAE DOCTOR, GYMNASII SUIDNICENSIS DIRECTOR.

SUIDNICII.

TYPIIS LUDOVICI HERGII.

MDCCCLIII.

1753

in eo esse statuit, quod in una classe codicum ille principalis codex, e quo omnes nobis adhuc noti et Palatinus I et Fauchetianus apud Freinshemium et tres Parisini originem duxerunt, fideliter descriptus est et praeter solita scribendi vitia, quae in omnibus codicibus lectoribus occurrunt, nihil consulto mutatum sive omissum sive additum videtur; altera classis correctos et corruptos codices complectitur. Primae classis annumerandi sunt Florentini AB, Bernensis A, Leidensis et Vossianus I. Illi vero codices, quos Zumptius deteriores appellat, interpolationis vestigia partim plura partim pauciora ostendunt. Zumptius auctorem illius interpolationis Italum quendam doctum e priore saeculi XV parte fuisse statuit, qui in Curtio emendando ingenio callido usus sit.

Duo vero ad interpolationem quod pertinet, illius classis ordines distinguendi sunt; alterius codices paucioribus locis ab iis, quos supra memoravimus, discedunt, alterius saepissime et sine causa ab integris codicibus abeunt. Prioris classis codices sunt Florentini DFGI, Palatinus I apud Freinshemium et tres Parisini, alterius Florentini EH, Bernensis B, Vossianus II. Horum codicum nec non editionum nonnullarum, in quibus codicum accuratius collatorum vestigia apparent, considerate excussis lectionibus textus genuinus restituendus est.

Primus Curtium emendandum suscepit Franciscus Asulanus, qui Aldinum editionem Venetiis anno MDX curavit, quae vulgata fertur. Codices Coloniensem et Sigebergensem Franciscus Modius contulit nec vero, quamquam vulgatam et codicum auctoritate et ingenio suo usus sexcentis locis correxit, rationem reddit, quibus causis adductus textum mutaverit neque eo modo editionem instituit, ut dignosci possit, quae lectio et quo codice stabiliatur. Quare difficile ad iudicandum, num quae emendaverit, merito sint laudanda necne. Nec sequentes Curtii editores, qui inter ceteros praemium accuratioris studii acquirere tentabant, certam rationem textus emendandi probaverunt, Joanne Freinshemio et Henrico Snakenburgio non exceptis. — Inter eos qui hoc saeculo ineunte Curtium ediderunt, inprimis Canzii¹⁾ et Schmiederi²⁾ mentionem fecerim. Quae vero ad textum genuinum restituendum attulerunt, non tanti momenti sunt, ut fructus haud spernendus in artem criticam exercendam inde redundaverit. Alter eorum textum Freinshemianum secutus est, alter Freinshemio-Snakenburgianum dedit. Neque iis auxilio erant illa adminicula, quibus Zumptius usus est. Quam vero hic ingressus est viam, secuti sunt recentiores editores, qui in usum discentium editiones parantes textum emendatum typis denuo excudendum curaverunt. Quorum aetate prior Antonius Baumstarkius Stuttgartiae in collectione

¹⁾ Q. Curtii Rufi de rebus gestis, Alexandri Magni libri superstites. Varietate lectionis atque perpetua adnotatione illustrati a M. Dit. Joach. Theod. Cunze, ducalis scholae Schoeningensis rectore. Vol. I. Helmstadii MDCCCII.

²⁾ Q. Curtii Rufi de rebus gestis Alexandri Magni regis Macedonum libri superstites ad optimorum exemplarium fidem recensiti atque prooemio et indice rerum instructi a Frid. Schmiederi. Gottingae, MDCCCIII.

Zelliana editionem Q. Curtii Rufi curavit adjecta varietate lectionum maxime memorabili, alter vero Julius Muetzellius editione anno MDCCCXLI Berolini parata textum Zumptianum annotationibus criticis et exegeticis in usum scholarum ornavit, in quibus haud raro a Zumptii ratione abhorrentem interpretationem instituit.

Zumptii auctoritate nisus optimorum codicum lectiones examinabo iisque ducibus textum emendare tentabo, quibus destitutus secundi ordinis codicum vestigia premam earumque editionum lectiones, quae codicum minus cognitorum auctoritate fulciri videntur. Fossium, qui iudicium a Zumptio de codicum auctoritate latum improbavit, nuperime in annalibus philologicis et paedagogicis a Klotzio Lipsiae editis Justus Jeeppius refutavit, qui jam anno MDCCCXLVIII in annalibus scholasticis, quos Heydemannus et Muetzellius Berolini edunt, multas bene excogitatas emendationes ad Curtii libros pertinentes proposuit. Omnes codices Fossius originem duxisse statuit ex uno codice, ex quo duo exemplaria inter se diversa descripta sint, alterum plenius atque integrum, alterum paulo magis lacunosum; ex hoc primi ordinis codices, ex illo alterius profectos esse. Codicum secundi ordinis praestantissimum nominat Florentinum G. De tertiae classis codicibus corruptissimis et lacunosis quaestionem lubricam respuat, tamen eos non e tertio exemplari originem duxisse, sed e duplici illorum librorum genere conflatos mixtosque esse pro certo habere videtur.

Quibus de arte critica exercenda praemissis nunc nonnullas emendationes et conjecturas, in quas Curtii libros iterum iterumque legentes incidimus, proponemus.

Lib. III cap. 3 § 5¹⁾ in Zumptii editione legitur: „Quidam vera augurabantur: quippe illustria Macedonum castra visa fulgorem Alexandro portendere: quem Asiae regnum occupaturum haud ambigere, quoniam in eodem habitu Dareus fuisset, cum appellatus est rex.“ Curtius somnium narrat, quod anxium regem Dareum agitavit, quodque vates vario modo interpretati sunt. Alexander somnianti Persarum regi in eodem vestis habitu, quo ipse fuisset, adduci, equo deinde per Babylonem vectus subito cum ipso equo oculis subductus esse, castra Alexandri ipsa magno ignis fulgore collucere visa sunt. Jam in verbis „Quidam vera augurabantur“ codices et editiones non consentiunt, quum, quae recentiores editiones habent: „Quidam contra augurabantur“, in nullo libro manuscripto inveniantur et vocabulum „vera“ Zumptii ingeniosa conjectura, quae tamen pauxillum a bono et integro cod. Flor. B abhorreat, textui insertum sit. — Ingens vero lectionum varietas in verbis „quem Asiae regnum occupaturum esse haud ambigere“ annotanda est. Hanc a Zumptio in textum receptam lectionem codices non tuentur; libri manuscripti et editio Frobeniana (MDXLV) quodve regnum Asiae occupare habuisset haud ambiguae rei habent. Lectionem his verbis proxime accedentem Zumptius non excogitavit; coniecit quidem in annotatione „quod regnum Asiae occupaturus esset, hanc vero conjecturam minus probabilem, quippe quae codicum cum lectione minus congrueret, in textum non recepit. —

¹⁾ Vulgarem editionem sequentes capitum et paragraphorum numerum indicabimus.

Hoc loco non quaerendum est, num lectio vulgata ferri possit necne; nam vestigia genuini textus in ea minus apparent; id maxime spectandum, ut lectionem restituamus, quae ad verba codicibus defensa proxime accedat. Hanc reperisse mihi visum conjecturam proponens: „Quod vero regnum occuparet, habuisse se haud ambiguae rei.“ Quum codices initio structurae verba quodve ostendant, in quibus vocem ve improbandam esse vix negaveris, literas quasdam excidisse suspicor et vocabulum mutilatum emendandum curavi, vero scribens; syllaba enim ro propter sequentem syllabam re errore calami facillime omitti potuit. Verba haud ambiguae rei codices exhibent, quibus nihil mutandum esse putavi; quum vero pro forma infinitivi habuisse, quam nonnulli codices ostendunt, in aliis habuissent, in aliis habuisset legatur, syllaba mutilata latere mihi videtur, quare se loco accusativi subjecti supplendum curavi; literam vero t, quam verborum totus connexus postulat, voci occupare affixi. Vates jam vere augurabantur castra Macedonum illustria Alexandro fulgorem portendere neque ambiguae rei habere potuerunt i. e. neque iis dubium esse potuit, quod regnum Alexander occuparet.

Lib. III c. 9 § 12 in Zumptiana editione legitur: „Paulatim deinde laxare se sinus montium et majus aperire spatium coeperant etc.“ Codices manuscripti hoc loco habent: laxare se et sinus. Conjectio et, id quod nemo non intelligit, ferri nequit, textui tamen intrusa esse non videtur, sed vestigia vocabuli corrupti prodit; suspicor igitur non legendum esse et, sed ex et deinde pro nominativo sinus scribendum esse ablativum sinu. Subjecti casus e verbis antecedentibus sumendus: angustiae; angustiae enim latius extendi aciem non patiebantur, quare triginta duo ordines armatorum ibant; deinde angustiae sinu montium, quibus clauderantur, paulatim extenso i. e. montibus magis magisque recedentibus se laxare coeperunt.

Lib. III c. 13 § 17. Zumptius textum ita correxit: Ceterum tantae fortunae proditorem superi ultores celeriter debita poena persecuti sunt, quae verba codicum lectioni aliquatenus non congruunt. Omnes codices manuscripti exhibent: ceterum tantae fortunae proditorem sepulturae celeriter debita poena persecuti sunt; in Palatino I, in Florentinis DFI pena persecuta est, in deteriore Flor. G pena prosecuta est legitur. Primus editor, nescio, num codice quodam auctore ductus, an ex conjectura dii, quod haec enuntiatio subjecti casu carere videbatur; adjecit, quam vocem alii editores in textum receperunt. Quum vero in codicibus, quos diligentius comparatos novimus, vox dii non inveniatur, subjecti casus vero orationis supplendae causa desideretur, haud ineptum iudicium ferre mihi visi sunt, qui in voce sepulturae subjecti casum latere, vocabulum sepulturae vero scriptoris inscitia ortum esse statuunt. Jam J. Fr. Gronovius hanc sententiam professus pro sepulturae emendavit superi ultores, quae emendatio posteriori aevi editoribus ita placuit, ut in textum eam reciperent; quam nec Zumptius respuit. Multis enim locis color quidam, ut ita dicam, poetici Curtii Rufi narrationi inest, quare et ad hunc locum editor laudatissimus Ovidii Metamorph. XIV, 729 et seq. nec non 749 et seq. citat:

Si tamen, o Superi, mortalia fata videtis,

Este mei memores — — —

— — — duraeque sonus plangoris ad aures

Venit Anaxaretis, quam jam Deus ultor agebat.

Vocum superi ultores et sepulturae externa similitudo Gronovii conjecturam haud improbabilem facit. Huc accedit, quod hoc modo verborum sensus bene coaptatus existit. Proditione enim ejus, qui Damasco urbi praeerat, cujus tutelae Persarum rex gazam opulentissimam, omnem supellectilem regiam, conjuges nobilissimorum Persarum commiserat, opes maximae, haud contemnendum auxilium, in hostium potestatem venerant; qui vero fidem regis Darei, Alexandri gratiam sibi conciliaturus, nefarie violaverat, deos, scelerum ultores, effugere non potuit. Deorum iram hominibus scelestis minitari hic illic Curtius haud ambiguis verbis indicat. Sic lib. V c. 13 § 16. Besso ceterisque facinoris ejus participibus, qui Darei vehiculum secuti sunt, hortantibus eum, conscenderet equum et se hosti fuga eriperet, Dareus, deos ultores adesse testatur et Alexandri fidem implorans se parricidas comitari velle negat. Nec lib. VII c. 5 § 25 Bessus, regis parricida, justa poena affectus, deos ultores esse confitetur. „Ille deos,“ ut Curtii verba referam, „sui sceleris ultores adesse confessus, adjecit non Dareo iniquos fuisse, quem sic ulciscerentur, sed Alexandro propitios, cujus victoriam semper etiam hostis adjuvisset.“ Praeterea multis locis Curtius deorum ultionem commemorat.

Supervacaneum nobis visum est omnes virorum doctorum conjecturas huc conferre, quarum multas Snakenburgius in editione affert. Nulla earum felicior Gronoviana lectione; quod enim Faber suspicatus est legendum esse securum sceleris, substantivo dii ante tantae fortunae addito, et quod Heinsius scribendum proponit: dii scelus ulturi literarum similitudini magis repugnat. Christophorus Augustus Heumannus in libello, cui titulus est: „Parerga Critica“ meliorem conjecturam, omnium criticorum calculo dignam, animum suum subiisse exclamat; legendum censet: Ceterum dii tantae proditorem fortunae celeriter debita poena persecuti sunt; per librarii errorem fortunae bis fuisse scriptum suspicatur: tantae fortunae proditorem fortunae, alium descriptorem vocem fortunae infelici casu vel ausu in sepulturae mutasse. Audacter quidem nec vero acri ingenio Heumannus hanc fecit conjecturam, et quod felicissime ille opinatur, nos infelicissime excogitatum credimus; nec quisquam facile intelliget, quo fieri potuerit, ut librarius, qui codicem descripsit, fortunae in sepulturae mutaret. Et hujus conjecturae supplendae causa vox dii addenda est.

Nec recentiorum interpretum tentamina huic loco medelam afferendi silentio transeunda putavimus. Walchius in annotationibus ad Taciti Agricolam hunc quoque Curtii locum emendandum suscepit et vocem dii codicibus quibusdam commendatam esse ratus genuinam lectionem reperisse sibi visum est conjiciens: „ceterum dii tantae fortunae proditorem speculati celeriter debita poena prosequuti sunt.“ Hanc conjecturam refutare nos supersedere posse eo magis putavimus, quod jam Muetzellius in edi-

tione Curtii argumentis haud levibus eam perstrinxit. Editor modo laudatus alio modo textum genuinum hoc loco restituere conatus est. Opinione, qua Walchius, ductus, lectionem dii non primi editoris conjectura textui intrasam, sed codicibus fultam esse, voci corruptae sepulturae nomen plurale ultores inesse et in antecedentibus literis corruptelam latere, nomen ultores accuratorem desiderare significationem censet. Monet nos verborum, quae in lib. IV c. 13 § 13 nobis occurrunt, expetere praesides Persarum imperii debitas e recordibus poenas et lectionem proponit: „ceterum dii tantae fortunae proditorem imperii ultores celeriter debita poena persequuti sunt“, hac vernaculi sermonis interpretatione adjuncta: „die Goetter, welche mit dem Racheschwert die Wohlfahrt des Staats bewachen, strafen den Verräther schnell mit verdienster Strafe.“ — Quod vero hanc conjecturam palaeographia defendi persuasum sibi habet, ab illo editore docto valde dissentimus et multis mediæ aevi libris manuscriptis inspectis, etsi Curtii quendam codicem ut inspiceremus, nobis non contigerit, difficile animum inducere possumus; e verbis imperii ultores, ut concedatur correptis syllabis imp vel inq ultores in codicibus saepius scriptum inveniri, sepulturae oriri potuisse. — Patrocinium vero lectionis, quam H. E. Fossius in programmate Altenburgensi anno MDCCCXLV commendavit, „ceterum dii tantae fortunae proditorem seri saepe ultores &c. prorsus abstinemus. Sensui, qui scriptoris verbis inesse videtur, multa in ea lectione repugnare ne moveam, in verbis dii seri saepe ultores et in sequentibus celeriter debita poena persequuti sunt controversia est. Fossium vero, Muetzellium et Walchium, qui priorem tantum editionem Zumptianam inspexerunt, vocem dii codicum nonnullorum auctoritate defendi opinantes, Zumptii verba annotationi in recente editione ad hunc locum adjuncta redarguunt: „sed cur dii defendantur, nulla causa est.“ — Ne vero diutius lectoris patientia abutamur, nunc novam proferamus conjecturam. Corruptelam in vocabulo sepulturae quaerendam nos quoque statim; frustra enim explicationem circumspicimus, qua illam tueamur lectionem nec nos fugit tale quid scriptorem enuntiare voluisse, quo deorum ira significetur. Proponimus lectionem: „Ceterum tantae fortunae proditorem saevae Dirae ulturae celeriter debita poena persecutae sunt.“ Sic quoque colorem poeticum scriptori nostro usitatissimum tuetur. Diras vero humanorum scelerum ultrices esse inter omnes constat; relegamus lectorem ad Virgilii Aeneidis lib. IV v. 473: „non ulla dirae ulticesque sedent in limine Dirae.“ — Librarius, codicem describens, quum verba saevae dirae ulturae videret, de adjectivi dirae significatione cogitans, duobus adjectivis saevae et dirae usus, alterum dirae omisit; recentes librarii scripserunt saevae ulturae. Qui vero mediæ aevi codicum scripturam novit, eum non falli in illis libris manuscriptis pro literis sa scribi solere & e vocibus vero saevae ulturae correpta altera vocem e oriri potuit sepulturae, quod, quum intelligi non posset, quid haec vox significaret, in sepulturae facillime mutari potuit. Lectione corrupta formam persecuta e mutata esse in persecuti cuique apparet. Deas iritatas homo scelestus atque impius subterfugere

non potuit; poenis debitis eam persequiebantur; unus e consociis regis vicem etiam in illa sorte reveritus, praefectum, qui opes hominesque fiduciae suae commissos nefarie prodiderat, interfecit caesique caput ad regem Dareum tulit. — Ecce lib. V c. 3 § 9 locus, quo multi sudaverunt interpretes, quem ut explicarent, lacunam statuerunt. Zumptius in editione sic scripsit: „Multis ergo vulneribus depulsi, ut quibus non cum hoste solum, sed etiam cum loco dimicandum esset, subibant tamen, quia rex inter primos constiterat, interrogans tot urbium victores, an erubescerent haerere in obsidione castelli exigui et ignobilis, simul admonens *.*. Inter haec eminus petebatur, quem testudine objecta, ubi, ut discederet, percellere nequiverant, tuebantur.“ — Magna lectionum varietas hoc loco. Ut alias hujus verborum structurae partes omittamus, animum ad lacunam explendam primum attendamus. Priusquam novam proferamus emendationem, codicum lectiones examinemus. Zumptius refert se locum sic edidisse, ut in Florentino codice antiquissimo legatur, a cuius scriptura ne ceteri quidem nisi paulum discedant, et in sequentibus vocem tantum ubi se adjecisse. Lacunam, quam post verba simul admonens statuit, explere non tentavit, nec Fossius verba vel addens vel omittens locum emendavit. Qui vero ante Zumptium Curtium ediderunt, varias ad locum corruptum sanandum attulerunt medelas. In editione principe Zumptio auctore verba simul admonens cum sequentibus ita conjuncta sunt, ut lectio existat: simul admonens jam inter haec eminus petebatur, cum testudine objecta milites ut inde discederet percellere nequiverant, tuebantur. Nec minus in editione Aldina verba simul admonens voce jam annexa cum sequentibus verbis cohaerent, mutata tamen conjunctione cum, quae in editione principe invenitur, in pronominis relativi accusativum quem. In editione ab Junio (Antverpiae MDXLVI) curata varietas lectionum haud parva conspicitur; vocabulum admonens mutatum est in admoveus nec minus ceterorum verborum structura aptius formata sic ut legatur: „simul admoveus jam inter haec eminus petebatur, quum testudine objecta milites, quum, ut inde discederet, percellere nequiverant, tuebantur. Minus accurata ratione Modius, ut hunc locum emendaret, usus est. Jam in antecedentibus pro an erubescerent scribi an non erubescerent oportere credidit; neque in ceteris mutatione non admissa locum hoc modo descripsit: „simul jam inter haec eminus petebatur, cum testudine objecta milites, quem ut inde cederet, propellere nequiverant, tuebantur. Mutatio haud parva in eo quod verbum admonens omissum est; levioris momenti alia quae codicibus non audientibus sunt mutata. Editio vulgata hunc locum sic exhibet: „Simul jam inter haec eminus petebatur, cum testudine objecta milites, qui ut inde discederet, percellere nequiverant, tuebantur.“ Ad codicum scripturas, quod attinet, monendum est in omnibus codicibus vocabulum admonens, in codice Flor. G tantum adverbium jam esse, item in omnibus accusativum quem nec vero nominativum qui, codicem Florentinum G pro discedere habere inde cedere, reliquos decede-

ret aut descenderet, Bernensem A a prima manu ut diceret, verbum perpel-
lere de conjectura scribi; codices exhibere simplex pallere, formam nequiverant
in uno Flor. B esse, in ceteris nequierant.

Freinsheimius in annotationibus editioni suae adjunctis cum Modio potius vo-
cem admonens exturbari vult et in ceteris hunc instituere ordinem: castelli exigui
et ignobilis simul? Jam inter haec eminus petebatur. — J. Schöfferus in
Animadversionibus in Q. Curtium, quas in libro Academicarum Lectionum anno
MDCLXXV edidit, admonens scribit, quod codices illam vocem tueri statuit, et verba
simul jam admoveans cum participio interrogans, arctissime conjungens, ad inter-
pretandum locum, haec addit: „Rex interrogabat eos et simul adducebat ipse quoque
propius ad castellum; cum eum vident appropinquantem, obsessi eum petunt talis.“
Verbum admoveere tali sensu saepissime apud nostrum scriptorem occurrit; similis
est locus lib. IX. c. 4 §. 27: „Jam admovebat rex, quum vates admonere eum coepit,
ne committeret aut certe differret obsidionem.“ — Inter nostri aevi editores etiam Fos-
sius lacunam statuit, adverbio tamen jam addito.

Hunc locum sanaturi primum pro certo habemus, quod Zumptius affirmat, in co-
dicibus admonens esse, nec vero admoveans, jam in codice Flor. G tantum inveniri;
tum vero ne lacuna statuatur, lectionem proponimus similiaque monens pro simul
admonens; quae verba cum antecedentibus coniungimus; ad sequentia quod attinet,
et lectionem et ordinem verborum, qui in Zumptiana editione exstat, retinemus. Nunc
pauca ad conjecturam nostram probandam afferamus. Curtius narrat Uxiorum urbem a
Macedonibus esse oppugnatam. Quae quominus expugnaretur, et fortitudo et loci na-
tura diu obstitit; Macedones vero, quamquam multa vulnere acceperant, pericula subire
non recusabant, quia, ut Curtii verbis utar, rex inter primos constiterat, interrogans
tot urbium victores, an erubescerent haerere in obsidione castelli exigui et ignobilis.
Haec interrogans monuit, ergo rex, tot urbium victores erubescerent haerere in tam
exigui castello oppugnando. Hiscis verbis igitur facile adjungi possunt verba similia-
que monens; admonuit fortasse, ut pericula imminencia fortiter subirent, ne naturae
obstaculis detererentur, ne barbaris derisui essent, opinantibus Macedones vinci posse;
adhortatus est, ne calamitates perpassi labore abstinerent. Quod si palaeographiam re-
spicias, haec conjectura defendi posse videtur; similiaque in codicibus similiaque
scriptum reperitur, quare haud difficile ad intelligendum, quomodo ex similiaque mo-
nens nasci potuerit simul admonens. Genus dicendi similia monens nihil habet,
quod offendant, quum alia huiusmodi multa in scriptoribus occurrant.

Lib. V. c. 10 §. 5 vulgo sic legitur: „Diu omnibus cogitatis placuit per
milites Bactrianos, ad omne obsequium destinatos, regem comprehen-
dere, mittique punctum ad Alexandrum, qui indicaret, vivum asservari
eum, si id quod timebant, prodicionem aspernatus esset, occisuri Da-
reum et Bactra cum suarum gentium manu petitura.“ — Pro nominativo par-
ticipium occisuri et petitura dativum censeri scribendum esse ita ut dativus depen-
deat a verbo placuit. Quod si statuitur, oratio bene concinnatur. Bessus enim et Nabar-

zanes, regni cupiditate accensi, Darei interficiendi nefarium consilium ceperant. Postquam
omnia diu cogitaverunt, regem per milites Bactrianos comprehendere et nuntium ad
Alexandrum mittere decreverunt, qui eum certiorum faceret, Dareum vivum asservari;
in animum vero induxerant Persarum regem, si Alexander, id quod timebatur erat, pro-
dicionem aversatus esset, trucidare.

Accedimus ad locum lib. V. c. 11 §. 10, cui inest praecleara sententia bene con-
formata periodo expressa; dolendum autem id, quod in editione vulgata legitur, in co-
dicibus non inveniri. Scriptor narrat, quid Patron fecerit, ut Darei, cui Bessus et Na-
barzanes insidiabantur, vitam servaret. Laudem egregiam Patroni tribuit, nec vero illum
tulisse fructum non negat. Mortem Dareo fato quodam destinatum fuisse scriptori per-
suasum est, nec quemquam illud fatum, cui omnes obnoxii sint, effugere posse; immu-
tabili lege quemque ordinem suum percurrere pro certo affirmat. In editione vulgata
Curtius hisce verbis pergit: „Eludant licet, quibus forte ad temere humana
negotia volvi agique persuasum est; equidem aeterna constitutione cre-
diderim nexuque causarum latentium et multo ante destinatarum suum
quemque ordinem immutabili lege percurrere.“ Codicum auctoritatem se-
cutus Zumptius videlicet pro licet restituit et pro verbis forte ac temere scrip-
sit forte temere; deinde quod in codicibus plerisque et quidem haud male notae
legitur ex multo pro et multo, in textum recepit, genus dicendi ex multo destina-
re interpretans, ex remoto tempore constituere quid futurum sit. Verba vero, qui-
bus sententia, ut ita dicam, principalis inest; equidem aeterna constitutione cre-
diderim Zumptio affirmante, qui ea sententiae explendae causa a principe editore ex-
cogitata esse putat, in nullo codice leguntur, quare in Zumptii editione uncis a reliqua
oratione separantur. Nos quoque ea delenda esse censemus, parvam tamen, ut sequen-
tia cum antecedentibus melius cohaereant, mutationem faciendam esse putamus, commen-
damus igitur lectionem neque nexu pro nexuque esse. Librarium forma literarum de-
cipi potuisse, ut pro neque nexu legeret et scriberet nexuque, nemo non intelliget.
In hac lectione verba neque nexu causarum latentium ex multo ante desti-
natarum suum quemque ordinem immutabili lege percurrere dependent a
verbo persuasum est et coniungenda sunt cum antecedentibus constructione accusa-
tivi cum infinitivo expressis: forte temere humana negotia volvi agique, refe-
runtur ad illam sententiam, qua ii perstringuntur, qui totum mundum omniaque humana
deorum numine regi cuique sortem ex fato ante destinato evenire negant. Illud fatum
vero, ut Curtius verbis sequentibus, Dareus certe respondit, quamquam sibi
Graecorum militum fides nota sit, nunquam a popularibus suis recessurum
indicat, nec Persarum rex effugere potuit.

Illam sententiam, quam Acidalius auro non comparandam dicit, et aliis Curtii locis
nobis occurrit, ut lib. IV. c. 6 §. 17 „sed ut opinor, inevitabile est fatum, lib. IX
c. 1 §. 30: „et fatum, cuius inevitabile sors est, appetebat. Hanc sententiam
Stoicorum doctrinae debere et ex aliis veterum testimoniis et ex Ciceronis opere de na-
tura deorum lib. I. c. 13 cognoscas.

maius. Locus a criticis vario modo tractatus lib. VI. c. 1. §. 20. exstat. Primo capite illius libri, cuius initium in omnibus editionibus deest, auctor res Alexandro absente gestas, motus seditiosorum populorum ab Antipatro oppressos breviter narrat. Quamquam Antipater res bene gesserat, tamen Alexandri invidiam timebat, qui quicquid alienae cesserisset gloriae, suae demptum esse indignabatur; non ausus igitur victoriae arbitria agere, Graecorum concilium, quid fieri placeret, consuluit. Hanc narrationem secundum vulgatam editionem haec verba excipiunt: „A quo Lacedaemonii nihil aliud quam ut oratores mittere ad regem liceret, precati, veniam defectionis praeter oratores impetraverunt. Megalopolitani, quorum urbs erat obsessa a defectione, Achaëis et Aetolis CXX talenta dare iussi sunt. De priorē huius enuntiationis parte primum videbimus, quo modo arte critica adhibita genuina lectio sit restituenda. Paene omnes editores Curtii hic locum, codicum manuscriptorum verbis corruptis, multum vexavit et sane nobis quoque ad tractandum difficillimus videtur. Jam vero priusquam qui nunc ad manum est, apparatus criticus detectus est, variae conjecturae sunt propositae. Codicum lectiones si respicimus, Leid. Voss. I et Florentini AB exhibent liceret precati geatae veniam; participium precati vero omissum in Bernensi A, tum a manu recentiore margini appositum, in ceteris pro syllabis geatae scriptum invenitur grate, gratae, gerere; in nonnullis, in Bern. B; Flor. DFGHI et in Palatino I precari. Modius lectionem proposuerat: a quo Lacedaemonii nihil aliud quam ut oratores mittere ad regem liceret, precati, non gravate veniam defectionis praeter auctores impetraverunt. Freinsheimius illud verbum codicibus corruptum (grate, gratae, gerere) delevit. Inter editores posteriori aevi jam Heinsius in geatae populi nomen latere suspicatus est, quare lectionem Aegeatae commendavit; eandem sententiam Snakenburgius protulit, et inter recentes editores Zumptius, qui e syllabis geatae vocem Tegeatae eliciendam esse statuit, quamquam in aliis scriptoribus, qui res illo tempore in Graecia gestas narraverunt, Tegeatarum mentio non fit; verbum vero precati hic editor neglexit; adjectum enim esse a veteri correctore, ex quo penderet sequens enuntiatio: ut oratores mittere ad regem liceret. Muetzellius conjecturas ab emendatoribus et editoribus commendatas impugnat, novam tamen non proponit. Zumptii conjectura eum offendit, quod syllabarum precati in voce precati, — nam syllabam ti cum sequentibus geatae conjunctam, nomen Tegeatae efficere — ratio habita non sit et in re ipsa multa sint, quae dubitationem asferre possint; vix enim intelligi posse, quare causa Tegeatae potissimum iudicium gratiam sibi conciliaverint; mirandum sane, quod inter Arcadiae populos, qui omnes, Megalopolitani exceptis, a parte defectionis sociorum steterint, Tegeatae in primis commemorentur. Muetzellius concedit quidem verbis precati geatae significationem Arcadiae populorum inesse, quae vero genuina sit lectio nominis latentis, haud facili negotio enucleari posse. Non infutias imus, ab aliis scriptoribus hanc Tegeatarum sortem non commemorari; quid vero impedit, quominus syllabis geatae vocem Tegeatae indicari statuamus, quum multis in rebus Curtii narratio ab aliorum narratione abhorreat, et literarum vestigia mirum quantum huic conjecturae faveant;

nec vero in iis, quae proponimus, prorsus cum Zumptio consentiamus; nam verbo precati non neglecto legendum esse statuimus. A quo Lacedaemonii nihil aliud quam ut oratores mittere ad regem liceret, precati Tegeatae veniam defectionis praeter auctores impetraverunt. Verbo precati addito apparet, quo modo factum sit, ut Tegeatae veniam impetrarent; precibus enim usi erant, ut eorum, qui iudicium munereungebantur, animos permulcerent. Intercedebat tamen inter Lacedaemonios aliosque populos, qui contra Macedones arma ceperant, hoc discrimen, quod illorum causae ad regis arbitrium, horum vero ad Graecorum concilium deferebantur. Tegeatas vero precibus adhibitis iudicium gratias sibi conciliasse quid est, quod mireris? Hoc vero loco non praetermittamus, quo modo alii emendatores verba, suspecta tractaverint. Walchius scribendum esse censet precati genti veniam defectionis praeter auctores impetraverunt, in quibus verbis additamentum genti sane supervacaneum esse videtur, nec perspicere possumus, quo modo factum sit, ut librarius pro satis noto vocabulo, vocem mutilatam scriberet. Fossius, vero, in annotationibus lectionem a rege autem, quum corruptis syllabis geatae elicit et in textum recepit, probare studet; quum enim in Palat. I legatur precari, librarium, syllabas non distinguentem, fortasse scripsisse precari geate, sicut syllabae a re in initio verborum a rege autem propter antecedentes literas vari in precari interciderent. Fossius igitur auctore textus, hoc modo restituendus est: a quo Lacedaemonii nihil aliud quam ut oratores mittere ad regem liceret, precati a rege autem veniam defectionis praeter auctores impetraverunt. In eandem fere conjecturam Jeepius incidit, qui legi vult precati a rege veniam — impetraverunt. Historiam quod attinet, difficile est ad dijudicandum, num recte viderit Fossius; literarum mutationem si spectas, non satis probabilis haec emendatio esse videtur. Nec minus quae sequuntur verba, in codicibus corrupta sunt; in codice Flor. A haec verba sic leguntur: Megalopolitani quorum urbis obsesserat a defectionis ejus achas et eli. &c. in Bern. A megalopolitani, quorum urbs erat obsessa a defectione ejus achas et eli. in Flor. B megalopolitani quorum obsessa erat a defectionis ejus. Snakenburgio testante in codd. Leidens. et Vossiano H legitur: a defectionis ejus; e nonnullis codd., quorum notitiam non satis perspectam habemus, idem editor affert lectionem: ad defectionis ejus multam. Obsessa erat in reliquis codd. Florentinis recte correctum esse Zumptius refert; corrupta vero populorum nomina esse, quae in aliis quoque codd. mutilata esse notitiae a Snakenburgio exhibitae ostendunt. Longum est omnes citare emendationes, quibus hoc loco textum genuinum editores restituere studuerunt; lectio vulgaris est: Megalopolitani, quorum urbs erat obsessa a defectione, (wegen des Abfalls) Achaëis et Aetolis CXX talenta dare iussi sunt, id quod rebus historiae traditis repugnat; Megalopolitani enim, id quod aliis historiae testimoniis cognitum habemus, Arcadiae populorum soli in fide Macedonum permanserant, ceteris rebellantibus. Aliorum editorum omissis opinionibus, Zumptii conjecturae mentionem fecerim: quorum urbs obsessa erat a defectionis sociis, Achaëi et Elei &c., quam

Maetzellius in textum quidem recepit, tamen improbavit; nam ut concedatur literam s propter literam antecedentem s in sociis excidere et ociis corruptis literis in ejus mutari potuisse, tamen vix credendum, Spartanis defectionis imprimis auctores, obsidionem tam opulentae urbis sociis tantum commisisse. Fossius nomina Achaei et Elei cum vocabulo antecedente conjungit et scribit Achaeis et Eleis. Mihi quidem, quod Muetzellius probare voluit, a defectionis ejus ortum esse e verbis a defectionis ociis, minus verisimile videtur, quare scribi voluerim Megalopolitanis, quorum urbs obsessa erat a defectionis reis, Achaei et Elei CXX talenta dare jussi sunt, in quam conjecturam, quod verba a defectionis reis attinet, jam Nic. Heinsium incidisse a Snakenburgio collatis commentariis docemur qui tamen pro obsessa erat lectionem possessa erat adeptavit. Quid verisimilius quam e vocabulo reis oriri potuisse ejus? Qua conjectura, quod Muetzellium offendit, tollitur; nam defectionis reis quin Spartani quoque sint annumerandi, quis dubitet? *Lib. VI. c. 2 § 16* in Zumptii editione lectio vulgaris discurrant lymphatis similes in tabernacula retinetur. Quum vero omnes codices praepositionem in omittant excepto Florentino G, cui non magna tribuenda auctoritas, accusativum sine praepositione in Curtii scribendi generi dare ausim. Quod ut faciam, duobus aliis locis inducor, quibus noster auctor verba pervenire et venire cum accusativo, praepositione in non addita, conjungit. Confer lib. III. c. 4 § 1: „Interea Alexander, Abistamene Cappadociae praeposito, Ciliciam petens cum omnibus copiis regionem, quae castra Cyri appellatur, perveniunt“ et lib. IV. c. 8 § 1: „Alexander, ab Hammone rediens, ut Mareotin paludem, haud procul insula Pharo sitam, pervenit, contemplatus loci naturam, primum in ipsa insula statuerat urbem novam condere.“

Lib. VI. c. 3 § 6 in editione a Zumptio curata legitur: „Sed in novo et si verum fateri volumus, precario imperio, adhuc jugum ejus rigida cervicē subeuntibus barbaris, tempore, milites, opus est, dum mitioribus ingeniis imbuuntur et efferratos melior consuetudo permulcet.“ Curtius in narratione antecedente exposuerat, rumorem, quum Alexander Hecatompyli stativa haberet, percrebruisse, Macedonum regem domum reverti consilium cepisse, milites huic famae fidem habentes itineri sarcinas aptasse. Quod quum comperisset, regem praefectos convocasse et ex medio gloriae spatio se revocari et alia conquestum esse, quibus permotus duces operam suam obtulisse et militum obsequium pollicitos esse, si eos leni et apta oratione permulcere voluisset; Alexandrum deinde exercitum ad concionem vocasse eumque oratione bene composita allocutum esse, demonstrantem se nondum redire posse, quoniam non certa esset possessio earum terrarum, quas tanta velocitate dominissent, barbari adhuc rigida cervicē subeuntibus tempore opus esse, dum mitioribus imbuerentur ingeniis. Quod Zumptius scribit melior consuetudo, plurimis defenditur codicibus, quibus et Bern. A. et Leidensis et Vossianus annumerandi sunt; optimi vero codices Florentini AB habent mollior consuetudo. Discrepant igitur hoc loco inter se codices primae classis alioquin simillimi. Orationis dignitate lectionem melior consuetudo commendari Zumptius censet. In qua sententia cum Modio facere videtur, quem

ex editione Snakenburgiana videmus annotasse, sibi lectionem melior consuetudo in sano placuisse et se opinari etiam lectori ut placeret fore, si in memoria haberet, quomodo veteres Latini voce melior uterentur, dicentes melior deus, melior natura aliaque hujus generis. Quae argumenta nos permovere non possunt, Florentinorum AB auctoritate neglecta lectionem melior consuetudo praeferramus; nam exempla permulta afferre possumus, quibus scriptores veteres, inter quos Ciceronem, Caesarem, Quintilianum, adjectivum mollis simili significatione usurpasse et adjectivum molliis substantivis ratio, disciplina, mens, actio, educatio, tarditas adjunxisse videmus. Et exquisitius, ut hoc utar verbo, genus dicendi mollior consuetudo esse videtur et bene respondere antecedenti mitiora ingenia; mutatis autem verbis scriptorem duabus enumerationibus, dum mitioribus ingeniis imbuuntur et efferratos mollior consuetudo permulcet, fere idem exprimere voluisse, quis est, quem fallat? Contrariae significationis vis magis effertur adjectivis molliis et efferratis, efferati enim mores parendi consuetudine molliuntur. Lectio vulgata, quam Fossius quoque retinet, est, mollior consuetudo. *Lib. VI. c. 6 § 10* lectio vulgata, „Tum maxime vinci ipsos dedique alienis moribus et externis tanta morae pretium, domos quasi in captivo habitu reversuros“, codicum auctoritate non firmatur. Curtius narrat Alexandrum rege Persarum devicto et occiso terrisque ejus subactis, postquam Parthienem petivisset, veteres Macedonum mores mutasse, continentiam et moderationem in lasciviam vertisse, Macedonum regum salubriter temperatam disciplinam magnitudine sua leviorē ducen-tem, Persicae regiae patrum deorum potentiae fastigium aemulatum esse, Macedones vero aegrotasse, quod rex Persarum mores imitaretur et clandestinis consiliis regis superbiam et fastum conquestos esse. Verba supra citata erant conquerentium. Jam initio libri manuscripti discrepant. Proptum maxime omnes praeter Flor. DE et Palat. I habent cum maxime, quod ferri non potest. Magna vero varietas lectionum in verbis sequentibus; vox pretium in omnibus deest, quae primum in editione Aldina apparet, quamque ceteri editores in textum receperunt. In codd. Flor. ABC legitur: et externis quoque tanta morae domos, in Flor. G quod ante more, in Bern. A. Voss. I. quod ante more, in Flor. DEFL et Bern. B. quod pro quoque. Zumptius conjecerat quidem: mutato more domos quasi in captivo habitu reversuros, in textum vero hanc emendationem non receperat, quae languere nec literarum vestigiis, quae in libris manuscriptis occurrunt, respondere videtur, voces quo sive quod tante ortas esse ex vocabulo mutato vix probari potest. Ut multis aliis locis hic quoque emendationem sagaciter excogitavit, in doctos Jeepius proposuit, quae quidem Fossius ita placuit, ut textum eam insereret; quo tandem ore domos quasi in captivo habitu reversuros? Hujus conjecturae et Zumptius in praefatione editionis majoris mentionem facit eamque probat. At verbū non negligendum in optimis codicibus AB non legi quod tanta morae, unde facile fortasse oriri potuisset quod tandem morae, sed quod tanta morae, particula quae respicienda mihi videtur, unde vestigia geninae lectionis cognoscas. Quae tamē

tae morae nihil esse neminem fugit; propter vocabulum sequens domos vero substantivum donum excidere potuit, quo addito et voce quodque mutata in quodque illud efficitur, quod, qui vocem pretium suppleverant, efficere voluerant. Quod si probatur, lectio genuina ita restituitur: „Tum maxime vinci ipsos dedique alienis moribus et externis: quodque tantae morae donum, domos quasi in captivo habitu reversuros. Veritatem propius me accessisse puto quam qui Aldinam secuti sunt.

Lib. VI c. 7 § 1 lectio vulgata est: „Jam nonum diem stativa erant, cum externa vi non interritus modo rex, sed invictus, intestino facinore petebatur. Jam veteres editores offensi sunt vocabulo interritus, quod Acidalius monstrum esse dicit. Favet hic editor magis lectioni, quam Zumptio affirmante et Flor. A tuetur: tutus, ordinem autem verborum ita transponi vult, ut scribatur: externa vi non invictus modo rex, sed tutus, quae mutatio gravior est, quam quae ferri possit. Acidalius ipse deinde hanc conjecturam improbavit et ex utraque lectione interritus et tutus duabus vocibus unam restituendam esse censuit „intentatus“, quod qua ratione legibus de arte critica exercenda latis fieri possit, vix intelligo. Jam Raderus et Freinshemius hanc licentiam vituperaverunt. Quod si codices perscrutamur, hoc quoque loco lectionum varietas apparet. Tutus est in codd. Flor. A G, Bern. A, Leid., Vossiano I et in Modiana editione; territus in Flor. C, in Flor. B haec vox deest, in ceteris Florëntinis, in Bernensi, in Palat. I, Vossiano II interritus. Zumptius lectionem vulgatam rejicit, et quam ipse in textum recepit „non tutus modo; sed interritus“ his defendit verbis: „non solum praesidiis adversus hostilem impetum cinctus ac defensus, sed experimento virium saepe facto etiam superior.“ Ablativus autem externa vi, et ad adjectivum tutus et ad participium invictus referendus, duplicem significationem habet et remotionis et actionis. Insuper constructio tutus aliqua re pro ab aliqua re perraro invenitur. Gradatio vero, quae fieret, si legeres „non interritus modo, sed invictus“ huic loco minus apta esse videtur. Hunc sensum equidem verbis suspectis inesse puto: „Externa vis Alexandrum non modo non triverat, sed eum ne vicerat quidem, quare lectionem „cum externa vi non intritus modo, sed invictus, intestino facinore petebatur“ commendaverim. Errore calami ex vocabulo intritus ortum est intutus, quod, quum sententiae exprimendae non responderet, in tutus mutatum est.

Lib. VII c. 2 § 9 in oratione illa, qua Alexander Amyntam ejusque fratres absolvit, postquam juvenes, ut in gratiam secum redirent, admonuit, haec verba occurrunt: „Nisi quae delata essent, excussissem, valde dissimulatio mea suspecta esse populo esset. Haec est lectio vulgata, quam ne Zumptius quidem in textum transferre recusavit, quamvis codices manuscripti eam non itentantur; in Aldina primum illam emendationem reperimus. In omnibus codicibus superare potuisset legi Zumptius affirmat; Raderus vero, id quod e commentariis a Snakenburgio collectis cognoscimus, Matthaeum Klokium in codice Constantiensis lectionem suppurare inveniri sibi scripsisse dicit; attamen quamvis Klokius hanc scripturam omnibus antepont, Curtianae dictioni

minus aptam esse putat. Suppurare alias de ulceribus dictum etiam metaphorica significatione usurpari posse scriptorum haud rara exempla demonstrant. Concedendum quidem e verbo suppurare facile nasci potuisse superare, quod alii codices, inter quos et Flor. AB, habent, quod vero ferri nequit; hac autem voce, quae in Curtii scriptis iterum non reperitur, non concinna existit oratio. Zumptius significatione media verbum sperari antea commendaverat, ipse tamen valde sperari pro valde timeri vix dici posse postea cognovit. Fossius, alioquin novas conjecturas haud respuens, hoc loco ab Aldo traditam lectionem retinuit. A lectione librorum manuscriptorum literarum vestigiis paululum tantum discedentem scripturam reperisse mihi videor, verbum superare mutans in saeva parare. Sensus loci est: „nisi, quae delata essent, inquirendo perscrutatus essem, suspectos vos habuissem et ut suspicionem dissimulassem, tamen facere non potuissem, quin saeve in vos consulerem.“ Verba, quae sequuntur, cogitationem modo inchoatam bene excipiunt: „Sed satius est purgare esse quam suspectos. Cogitate neminem absolvi posse nisi qui dixerit causam.“ Vix dubitaverim, quin, quem admodum dicimus fugam, exilium, bellum parare, etiam dici possit saeva parare; superare vero e verbis saeva parare haud dubie natum est, quum literis continuatis in codicibus se v a parare scriberetur. A literis vocabuli superare longius abhorre videtur lectio, quam nuperrime in Annalibus philologicis et paedagogicis a Klotzio editis Jeepius commendavit: frustrari, qui exemplis (VI, 7, 35, 8, 16; IX, 10, 22; X, 1, 28, 29; X, 9, 8) citatis demonstrare studet, quantopere dissimulatio frustrari potuerit.

Locus ab interpretibus multum tentatus exstat lib. VII c. 7 § 25. Alexander, vulnere adhuc aeger, cum Scythias non provisum bellum gesturus, amicos in consilium advocari jussit. Quum non hostis, sed temporis iniquitas terreret, se segnem jacere, cujus velocitatem nemo antea effugere valuisset, conquestus est et rursus, ut Curtiano dicendi genere utar, ad superstitionem revolutus Aristandrum rerum eventum explorare voluit. Dum hic eventus futuros pecudum fibris cognoscit, Alexander amicis exposuit, quae quamvis vulnere impeditus, quominus pedibus ingrederetur et equo veheretur, moliretur. Omnes regem a tam praecipiti consilio detertere coeperunt, inprimis Erigyus, qui superstitione incussa regis animum permovere tentavit. Quae enim ex Aristandro vate compererat, tristia fuisse exta, Erigyus cum rege in concione communicavit. Alexander, non ira tantum sed etiam pudore confusus, quod superstitionem, quam celare voluerat, ceteri cognovissent, Aristandrum arcessivit arcessitumque vituperavit, quod Erigyio, quem extorum interprete metu suo uti pro certo haberet, arcana prodidisset. Verba, quae sequuntur, editio vulgata sic exhibet: „Tibi autem quam potest, denuntio, ipse mihi indices, quid ex extis cognoveris, ne possis infitiari dixisse, quae dixeris.“ Quam lectionem nullo modo ferri posse haud difficile ad intelligendum neque eam codicum auctoritate satis firmatam videmus; legitur enim in codd. Leid., Palat. I, Flor. ADFI tibi autem qui sepius quam potest, in Flor. B, Bern. A tibi autem saepius quam potest, denuntio, in Flor. CEGHI, Bern. B tibi aut sepius vel citius, quorum verborum conjunctione Fossius annotat librariorum indicare voluisse, vocem in codice, quem describebant, male scriptam sibi non prorsus intellectam vel sepius

vel citius esse videri, quare ille editor Tibi autem, qui scitius quam potest, denuntio scribendum esse suspicatur, interpretationis causa lacunam statuens, quam hoc modo explere studuit: Tibi autem, qui scitius quam potest ille, interpretaberis, denuntio. Quaeritur, num leniore ratione, lacunam non statuentes, locum sanare possimus. Zumptius proponit: Tibi autem quietius quam potest, denuntio, vocem quietius, quam librariorum in saepius corrupisse credit, ita explicans: „placidius, clementius, quam quisquam expectare potest me facturum.“ Quam interpretationem Fossius in editione haud inepte castigavit his verbis „quis, quaeso, quietius quicquam potest denuntiare quam potest?“ Et Zumptius ipse sensisse videtur se male coniecisse exclamans: „haec erat emendatio nostra, quam abiciat, qui melius aliquid repperit.“ Nulla recentiorum editorum conjectura verborum structura melius concinnatur, tota oratio claudicare mihi videtur; genuina igitur ut restituatur lectio, scribendum esse conjicio: Tibi autem, qui **sapias, quum potes**, denuntio: „Dir kündige ich an, der du weise bist, wenn du kannst“ i. e. tum, quum dii voluntatem suam declarant, quum futura sacrificiis tibi portendunt. Qua conjectura ratione lenissima codicum scriptura mutatur; quam facile enim librariorum pro vocabulo „sapias“ describere potuit „saepius“, pro „quum“ vocem „quam“, pro „potes“ vero „potest“! Connexus verborum sic emendatorum cum antecedentibus bene se habere mihi videtur; Erigyus enim non sapuit, quippe qui a diis non edoctus metu suo extorum interprete uteretur. Jam abhinc duos annos hunc Curtii locum denuo tractanti haec emendatio in mentem mihi venit; nuperrime in annalibus philologicis et paedagogicis a Klotzio Lipsiae editis (tom LXVI fasc. I pag. 40) Jeepium ad mutationem vocis saepius quod attinet, simile quid coniecisse vidi, lectionem „Tibi autem, qui sapis quam potest, denuntio“ proponentem.

Haec hactenus, altera occasione oblata hasce quaestiones continuabimus.

